



Otvorene prijave na treći ciklus "Male škole izgradnje mira"

Prijave na treći ciklus "Male škole izgradnje mira" (MŠIM), razvijene u okviru USAID-ovog projekta PRO-Budućnost, otvorene su do 10. 4. 2017. godine. "Mala škola izgradnje mira" je obrazovna online platforma, koja omogućava sticanje znanja o društvenim procesima u postkonfliktnim društvima, kakvo je i Bosna i Hercegovina. Škola će zvanično početi 27. 3. 2017. godine, ali je polaznicima ostavljena mogućnost da se prijave do navedenog datuma.

Takođe je ostavljena mogućnost za sve polaznike prvog i drugog ciklusa škole da svoju edukaciju završe u trenutnom, trećem ciklusu MŠIM.

Navedena online škola traje šest sedmica i sadrži šest tematskih cjelina koje podučavaju polaznike o izgradnji mira iz različitih teorijskih i praktičnih perspektiva. Na kraju navedenog perioda, polaznici će imati rok od 14 dana da predaju završni esej na odabrane teme, nakon čega će im biti uručen certifikat o završenoj "Maloj školi izgradnje mira". Najbolji eseji će biti nagrađeni tabletima.

Predavači u "Maloj školi izgradnje mira" su profesori, aktivisti i vjerski službenici, među kojima su i prof. dr. Nerzuk Ćurak, profesor na Fakultetu političkih nauka u Sarajevu; Radivoje Krulj, starješina Saborne crkve u Mostaru i arhijerejski zamjenik episkopa Grigorija; Azra Ibrahimović, koordinatorica međureligijskih projekata u Centru za edukaciju i istraživanje Nahla; prof. dr.

Mario Bernadić, profesor na Katoličkom bogoslovnom fakultetu u Sarajevu; Aleksandra Letić, programski menadžer u Helsinškom komitetu za ljudska prava u Republici Srpskoj i drugi.

Škola je u potpunosti besplatna, a više informacija o istoj možete pronaći na www.sspb.ba

"Mala škola izgradnje mira" je organizovana u okviru USAID-ovog projekta PRO-Budućnost, koji provodi Catholic Relief Services CRS u partnerstvu s Fondacijom Mozaik, Caritasom Bosne i Hercegovine, Forumom građana Tuzla, Helsinškim parlamentom građana Banja Luka i Međureligijskim vijećem u Bosni i Hercegovini.
